

## IPHALAMENDE NEMSEBENTI WAYO WEKUHLOLA

Kuhlola kahle kusebenta kwentsandvo yelinyenti kusezingeni iPhalamende lengacinisekisa ngalo kutsi hulumende uhlala aphenzvula kubantfu. Loku kwenteka ngekuhlala ahlola (agadza) njalo kusebenta kwahulumende.

IPhalamende nemakomiti ayo inemandla ekubita noma ngabe ngubani kumbe ibite noma ngusiphi sikhungo sitoniketa bufakazi noma sitoveta imibhalo lenebufakazi, nekufula umbiko kuyo.

## LIGUNYA LELIKUMTSETFOSISEKELO

- UMTsetfosisekelo utsi iPhalamende inemandla ekwenta luhlolo lwetinhlaka tahlumende, lokufaka ekhatsi leto letisesifundzeni naletisezingeni labohulumende basekhaya.

## YINI KUHLOLA?

- Kuhlola kungumsebeni loniketwa iPhalamende nguMtsetfosisekelo wekubuka nekuhlola imisebeni yahulumende.
- Uma yenta umsebeni wekuhlola, iPhalamende igcila kuletintfo letilandzelako:
  - kusetjentiswa kwemitsetfo
  - kusebentisa luphakelo timali
  - kubukisisa kusebenta kwemitsetfo yePhalamende neMtsetfosisekelo
  - Kuhola kahle tikhungo tahlumende.

## UBALULEKE NGANI UMSEBENTI WEPHALAMENDE WEKUHLOLA?

- Ngekuhlola kusebenta kwahulumende, iPhalamende iyakhona kucinisekisa kutsi kwetfulwa kwetinsita kuyenteka, kute tonkhe takhamuti tiphile imphilo lesezingeni lelisetulu.

## IPHALAMENDE ISEBENTISA KUHLOLA NGALETIZATFU LETILANDZELAKO:

- Kubona nekuvikela kusebentisa kabi
- Kuvikela kutiphatsa lokungekho emtsetfweni nalokungahambisani neMtsetfosisekelo eluhlangotsini lwahulumende.
- Kuvikela emalungelo nekukhululeka kwetakhhamuti
- Kwenta hulumende aphenzvule kutsi imali yebakhokhi bentsela isetjentiswa njani
- Kwenta kusebenta kwahulumende kwatiwe nekungeta kutsembeka kwahulumende kubantfu.

## UMSEBENTI WEKUHLOLA WALETINDLU LETIMBILI TEPHALAMENDE

- IPhalamende ineTindlu letimbili, letatiwa ngekutsi:
  - **Sigungu Savelonkhe** (NA), ne
  - **Umkhandlu Wavelonkhe Wetifundza** (NCOP)
- Ngayinye inemsebeni tsite wekuhlola lekufanele iwente.

- UMTsetfosisekelo utsi **Sigungu Savelonkhe** sikhetselwe kumela bantfu nekucinisekisa kutsi hulumende webantfu ulandzela uMtsetfosisekelo. Wenta loku ngeku:
  - Cinisekisa kutsi tonkhe tigungu letisetulu tembuso letikuhulumende losezingeni laVelonkhe tiyaphendvula kuso, neku
  - gcina kuhlola ekusebentiseni emandla kwahulumende lomkhulu, kanye nekusetjentiswa kwemitsetfo.
- **Umkhandlu Wetifundza Wavelonkhe** umele kucinisekisa kutsi tidzingo tetifundza tiyatsatfwa kuloluhlaka lwahulumende welive lonkhe.
  - Umsebeni we-NCOP kusebentisa kuhlola etintfweni tavelonkhe letisesifundzeni nakubohulumende basemakhaya.
  - I-NCOP ingadzinga lilunga Lekhabinethi, sisebeni sahumende wavelonkhe noma-MEC wahulumende wesifundza kutsi ahambele umhlangano weSigungu noma welikomiti.

## UMSEBENTI WEMAKOMITI ASEPHALAMENDE

- NgekwemTsetfosisekelo emakomiti asePhalamende asungulwe njengetinsita Tendlu, asebenta kuhlola nekubuka hulumende.
- Lamakomiti angumgogodla wemsebeni wePhalamende wekuhlola nekushaya umtsetfo.
- Emakomiti ahlolisisa umtsetfo, abuke tinyatselo tahlumende, aphindze acocisane nemphakatsi.

- Lokunye lokubaluleke kakhulu kwalomsebeni wekuhlola, emakomiti abuka imibiko yemnyaka yetinhlaka taHulumende, nemibiko yeMhlozimabhuku jikelele.
- Ngekuya ngenhloso yaloko kuhlola, iKomiti ingacela kucocisana neluhlaka lwaHulumende noma iluvakashele kwee itfole emaciniso.

## TINDLELA TEKUHLOLA

### a) Umcombelelotimali

- Indvuna Yetimali imemetela lwabiwo timali loluhlongotwako lwemnyaka lotako, kanye nelucombelelo lelitiko ngalinye.
- IPhalamende kufanele iphasise Lomcombelelotimali.
- Emva kwekutfulwa kwelucombelelotimali, likomiti ngalinye likhulumisana nemaTiko lahlukahlukene aHulumende mayelana naloko lelikuhlolako.
- Loku kwentelwa kubona kutsi ingabe Litiko lisigcinile yini sitsembiso salomnyaka lowengcile, nekutsi lisebentise kahle yini imali yebakhokhi bentsela.

### b) Imibuto lekufanele iphendvulwe sigungu lesiphetse

- Kubuta imibuto kuhulumende ngulenywe yetindlela iPhalamende leyenta hulumende kutsi achaze.
- Imibuto lekufanele iphendvulwe ngemlomo noma ngekubhala ingabutwa kuMengameli noma kuSekela Lamengameli naseTindvuneni etintfweni letiphatselene nemsebeni wato.

- Sikhatsi sekubuta imibuto siniketa eMalunga ePhalamende litfuba lekubuta emalunga aHulumende ngetintfo letiphatselene nekuniketwa kwetinsita, babe babutela emacembu abo epolitiki noma bavoti.

#### c) *Titatimende Temalunga*

- Kusebentisa lenchubo, eMalunga ePhalamende angenta titatimende Endlini, ngayo yonkhe intfo.

#### d) *Tatiso tesiphakamiso*

- Ngekuniketa satiso sesiphakamiso, lilunga lanoma nguliphi licembu lepolitiki lingaletsa tintfo lekungacociswana ngato ePhalamende, ngaloko lincedza ekwenteni umsebenti wabo wekuhlola.

#### e) *Umhlangano wendlu*

- Imihlangano yendlu ingulenze yetindlela tekuletsa lwati lolubalulekile loluphatselene neluhlelo lolutsite lwahulumende noma umtsetfo lodzinga kutfutukisa kwetfulwa kwetinsita.

#### f) *Umsebenti wasemimangweni*

- Umsebenti wasemiphakatsini uniketa eMalunga ePhalamende litfuba lelikhulu lekwenza luhlolo ngemuntfu.

- Umsebenti wasemimangweni uniketa indlela lesondzele kakhulu yekuchumana emkhatsini kweMalunga ePhalamende nemphakatsi.
- Emalunga anemsebenti wekwatisa iPhalamende ngayoyonkhe intfo lebonakele ngasikhatsi sekungenelela kuhlola.

### UNGANGENA NJANI

#### a) *Kwenta siphakamiso*

- Kwenta siphakamiso eKomitini lePhalamende ngulenze indlela yekwenta livi lakho livakale ePhalamende.
- Ngekwenta siphakamiso, unelitfuba lekungeta sisindvo kumbono weMalunga eKomitini lasuke akhuluma ngesiceshana seMtsetfosivivinyo ngembi kwekuba ngumtsetfo.

#### b) *Sikhalonyandzaleyo*

- Sonkhe sakhamuti sinelilungelo lekufaka sikhalonyandzaleyo ePhalamende, njengoba kushiwo kuMtsetfosisekelo.
- Wonkhe umuntfu, licembu lebantfu noma inhlangano ingafaka sikhalo ePhalamende.
- Sikhalonyandzaleyo sicelo lesisemtsetfweni lesicondziswe kulophetse kutsi ente lokutsite. Singatsatsa indlela yekuphoca, kucela umusa, noma kulungiselwa sikhalo.



PARLIAMENT  
OF THE REPUBLIC OF SOUTH AFRICA

Produced by the Public Education Office • Parliamentary Communication Services • INSPIRED BY PEOPLE  
www.parliament.gov.za • P.O. Box 15, Cape Town, 8000 • Telephone: (021) 403 3341 • Facsimile: (021) 403 3303



PARLIAMENT  
OF THE REPUBLIC OF SOUTH AFRICA



Iphalamende Nemsebenti Wayo Wekuhlola